

愚山詩集

序

道與藝一也是故道亦藝也禮樂制度文爲皆道之所
寓而聖人以藝名之藝亦道也庖丁之解牛梓人之削
鑿偃僂丈人之承蜩皆伎術之工巧者耳而可以與乎
道仁者見之謂仁知者見之謂知道藝之不同而精麤
內外大小本末之辨亦視乎學者之所得而已六藝之
中有詩自公卿大夫迄于委巷細氓與夫婦孺之作悉
在焉然而上之可以感鬼神宣政化次之可以喻情志
感風俗其遽得謂之非道乎此聖人所以雅言而學者
所以尊之爲經也顧後之詩人從未有貫道與藝而一
之者惟其餽飭以爲富剽竊模擬以爲工不飲酒而樂

不疾痛而呻吟是雖曰無詩可也是故學者之通患而
非詩之本教然也愚山先生道孔孟之道而學朱陸之
學者也及其爲詩則又命詞簡切立意澹遠其體蓋近
漢魏而發源則駸駸乎三百篇之間庶幾乎能貫道藝
者與向者予壽先生嘗推明學術所自來而祈之以用
世今方應本末之辨

詔北首則予言殆將驗矣異時以其章句登諸明堂清
廟被諸簫管琴瑟以潤色

天子太平之治而從容進婉于周公邵公尹吉甫諸臣
之列者非先生而誰或謂先生講道東南固不宜沾沾
以詩自喜而吾黨亦不宜以詩人目先生則予以爲不

然詩溫柔敦厚其教之所系甚大而顧用一藝斥之則孔子不當雅言而尊經者當遂廢三百篇也豈詩人之能顧不及承凋削錄者與夫亦非先生所講以率後學之指審矣予性樸野雖不能爲詩而嘗問道于先生故敢以斯說冠于其詩之首長洲汪琬

施愚山先生學餘詩集目錄

卷之四 宣城施閔章著

卷之五 古五十四首 男彦淳

卷之六 古四十八首 彦恪全錄緝

卷之七 古四十四首 孫琮

卷之八 古四十二首 璫校字

卷之九 古五十六首 琛

卷之十 古四十八首 碧全校

卷之一 古六十五首

卷之二 古十三首

卷之三

卷樂府七十七首

卷之三十三首

卷五言古六十五首

卷之四

五言古五十六首

卷之五

五言古四十四首

卷之六

五言古五十四首

卷之七

五言古五十首

是山先生詩集

目錄

宣統元年章著

庚戌年

宣統元年

宣統元年

宣統元年

宣統元年

宣統元年

卷之八

卷五言古四十九首

卷之九

卷五言古四十八首

卷之十

卷五言古四十二首

卷之十一

卷五言古四十九首

卷之十二

卷五言古六十六首

卷之十三

卷五言古五十七首

卷之十四六十六首

卷五言古四十五首

卷之廿五四十六首

卷七言古三十七首

卷之十六四十二首

卷七言古三十四首

卷之十七四十八首

卷七言古三十六首

卷之十八四十六首

卷七言古三十七首

卷之十九 百十一首

卷之二十 百十二首

卷之二十一 百十三首

卷之二十二 百十四首

卷之二十三 百十五首

卷之二十四 百十六首

卷之二十五 百十七首

卷之二十六 百十八首

卷之二十七 百十九首

卷之二十八 百二十首

卷之二十九 百二十一首

卷五言律一百十四首

卷之三十五十八首

卷五言律九十九首

卷之二十六十六首

卷五言律一百三十六首

卷之二十七十二首

卷五言律一百十二首

卷之二十八十八首

卷五言律一百十六首

卷之二十九十八首

卷五言律一百十一首

卷之三十一

五言律八十二首

卷之三十二

五言律八十五首

卷之三十三

五言律七十三首

卷之三十四

五言律七十首

卷之三十五

七言律八十一首

卷之三十六

七言律八十四首

卷之三十一

七言律八十五首

卷之三十二

七言律八十五首

卷之三十三

七言律八十七首

卷之三十四

七言律七十二首

卷之三十五

七言律七十二首

卷之四十一

七言律五十七首

卷之四十二
二百十四首

七言律六十首

卷之四十三
二百三首

五言排律三十八首

卷之四十四
二百四首

五言排律二十一首

卷之四十五
二百六首

七言排律四首

卷之四十六
二百一首

卷五言絕七十二首

卷之四十七四首

七言絕一百六首

卷之四十八

七言絕一百四首

卷之四十九

七言絕一百三首

卷之五十

七言絕一百十四首

七言絕一百十四首

七言絕一百十四首

施愚山先生學餘詩集卷之一

四言

警志詩

洋洋景運六轡徂流爾征爾邁不我眷留維帝賚予靡
德不具旣具旣完逝不我顧拾穗維利不如躬耕束炬
夜馳不如蚤行鳩爭腐鼠鳳餐竹實翔視千仞下罕雛
匹懿我祖考爭道策驥腹我目我遑敢隕墜昔遊東魯
攝衣孔庭俯仰瞻聽實邇儀型匪哀匪慕泣涕如雨愴
如亡子初見父母軌臻回賜文企姬秦不慙嚼火持照
千春隕霜警木世難厲德懷璧負塗智士不惑援則穴
果獺則祭魚誰爲令人不勤是圖皇皇朝夕望晷心慄

如岸斯崩如虎將啣冉苦抱痾顏不待耆敬爾良時并
宵作晝

誠弟

弟閏嚴弱冠方婚予行役在道愛而不見悄然
以悲將崇以成人之責俾纘我先緒焉爲作是

詩凡七章

我徂凜冬川谷逶迤霜披隕葉颺擊單枝憂來隨人顧
影沾衣翩翩鴻雁焉知我悲

嗟余負乘長懼顛覆雞豚不逮俯仰心疚皇皇饘粥蒙
耻叢詬爾爲令人食德維舊

維耜維耨三歲不穡一歲倍穫卒食乃力曰余先葉重

苞固植吾儕小子承流墜德防川則難涓涓可塞

旣加爾冠載授之室爾邁爾勤如彼旭日春華旣榮懿
茲秋實歲不我留遑敢暇佚

爾父吾父亦孔之勞昵我猶子矧爾屬毛懸車延頸靡
夕靡朝南陔可誦曷忍遊遨

共爾悠悠弼爾不腆旣判旣離懷莫由展人亦有言鄙
近矜遠匪耳之提我淚則泣
匪膏匪火炎炎自煎亦旣戒止熾其燎原維憂速老誰
著誰龜雖則云爾胡遽弗思

中園

憂亂將作而子弟學無成也

長山先生詩集 卷一
中園有葵其葉沃沃朝復夕兮灌此寒綠霜露將至逝
恐不蕃心之憂矣云誰與言

中園有菊其葉粲粲日復月兮茁英有爛霜風將至逝
恐後時心之憂矣寧莫我思

中園有桂其葉幕幕歲復歲兮載纍華萼霜雪將至逝
恐薄榮心之憂矣各念爾生

神搯虎詩

海陽虞人捕虎虎逸入陽山寺見廡下判官像
爪之像輒仆壓虎不能動若有神搯之者衆遂
擊殺余讀其碑異之慕神威德時新安歲饑多
虎作是詩俾土人歌以侑神焉

虎欲齧人譬不畏神神赫且武視虎如鼠兔置在原虞
人如雨不弧不矢在廡之下孟賁失勇下莊無功殪猛
薦馨擊鼓逢逢降凶自天實蕃厥族人饑虎餐嫠婦塗
哭誰使渡河我不敢知神食茲土捍災是尸載驅載殄
兼屏蝨賊寧我婦子豐我黍稷何以薦之擊豕刲羊何
以酌之椒醴蘭漿有谿湜湜有嶽蠹蠹刻詩告虔則百
我福

責子

老不廢學如燭繼日自照末光猶勝闇室咨爾後生杲
杲初出韶齒燕荒曜靈將匿黃髮皤皤昨日如漆喪亂
蠶興帝怒人逸秋素兩霜百穀堅實岐路何多決勝寧

施愚山先生學餘詩集卷之二

樂府

將進酒

將進酒羅羣賢合四坐陳廣筵履舄錯蘭膏然弛珮帶
步華軒蠲憂端齊歡顏歌既醉酣忘言舞陽阿揮朱絃
曲雜奏心相憐薄富貴樂當年願更酌要列仙壽千春
白髮玄

短歌行

蛟龍可豢致之重淵神龜雖壽謀身不全禍福無兆天
地匪堅山則爲谷水則爲陸服食引年螻蛄等促永嘯
無爲含真守樸

少年行

少年矜任俠走馬探金丸
朝從漸離飲夕交劇孟權
家本五陵子遨遊雙闕間
使氣陵五侯結客滿長安
白日報人讐純鈎血未乾
官騎不敢追九衢側目看
一朝見天子請纓輸心肝
南征舉百粵西使斬樓蘭
英聲振海隅勝氣浮雲端
竦身光竹帛小勇寧足觀

隴西行

客有隴西行道逢江南客
本自同鄉人相見各頭白
憶昔出門時新婦掩口啼
嬌兒不解愁薄作堂下嬉
夫婦不相思父子何當離
西風吹隴水堅冰凝我衣
慚無一觴酒爲君解渴饑
勿復言故鄉故鄉不得歸

東門行

步出城東門行行逢阿誰當時數萬戶夾道交華棖多
謝諸壯士斬木稱義旗閭井供一炬流血被九達豈伊
秦與越相殘一何悲烏鵲厭人肉犬豕日已肥昨傳戰
城南矢石縱橫飛接刃爭須臾咄嗟成鯨鯢生無鷹揚
烈沒無黃鳥哀嗟彼爲國殤掩袂酸心脾

豫章行

大木藏深山交柯蔽高天生與磐石固太古無歲年斧
斤儵見取長繩相鈎連推挽發千夫持作萬斛船昔也
凌崇岡今也汎廣川不惜離根株役我風浪間鉅材逝
將盡臃腫亦難全多謝中林草惆悵私相憐

代怨歌行

誰謂太行高陟之一卷石誰謂長城遠度之不盈尺新
人歡巧笑故人涕汎瀾對而成遠別何必問山川梅樹
生庭隅枝葉多憔悴梅酸不言好結子君勿棄

君子有所思行

端坐鬱愁思游娛騁良辰五侯從何來賓從皆貴臣浮
雲擁輕蓋接轂紛朱輪前騎鼓吹作後車燕趙陳餘芳
散綺服照曜九衢新朝華不待莫夕歡不及晨貴盛有
隕歇珠玉成埃塵會稽雖晚貴翁子終殺身誰知蟬冕
客長媿采薪人

秋胡行

秋胡行自魏武以還諸作者無與秋胡矣余爲賦秋胡本事冀世之類秋胡者一聽采焉

佳人獨處盛年明璫翠袖春妍君行不歸姑老采桑微步桑間黃鳥一雙睨睨攬衣淚下漣漣駐馬翩翩誰子色飛目奪心憐金夫不回妾盼踟躕惆悵玉顏白日晚晚各歸相看慚愕難言妾心念君萬里君心忘妾眼前蓄怨含嗔那忍捐情絕愛重淵長恨東西流水吞聲鳴咽誰傳

上畱田行

傷婦歿於兵也

里中有啼兒聲聲呼阿母母歿血濡衣猶銜懷中乳

長山先生詩集卷二
三
門有車馬客行
問故鄉事欲語中心摧海水齧桑田陵阜爲崩隕親交
滿里巷回首皆塵埃語罷各嗚咽淚落盈金罍人命信
朝露念舊有餘哀中宵倚長劍奮袂起徘徊
前有一尊酒行

前有一尊酒月出當我樓人生苦晝短賓從歡夕遊朱
顏理瑤瑟妙曲彈箏篴娛樂夜忘疲河漢已西流涼風
捲羅衣鬢髮成白頭萬變在須臾但願蠲煩憂誰當鞭
赤豹游戲崑崙丘

城上烏

城上烏有巢不棲中夜呼自言城南賊兵至殺人如山
烏得哺烏得哺且掩口城頭多健兒弓箭各在手彎弓
射烏折雙翼轉眼烏歿蟻得食

陌上桑

沃沃陌上桑離離池中蒲南國有佳人窈窕世所無高
樓臨廣陌皓腕颺輕裾兄弟盛車騎坐中夫婿殊春華
艷金屋足不踰門樞日莫見烽火攬裳泣踟躕樹木雜
輪囷魏阪何崎嶇金雀墮艸間霜露沾羅襦傍有塚上
松昨夜聞啼鳥烏啼亦不雙雌鳴懷故夫鐵騎從東來
悉索南山隅相逢斜谷口險隘不容車力脅牽上馬背
復立斯須左手何所攜長珮襍瓊琚右手何所攜翠帳

垂流蘇移我嫁時物顛倒繫馬頭婦言將軍令勿虐良
家姝健兒聽益怒此婦一何愚我已棄妻子從軍萬里
餘若不逐人歡所願誰與俱垂頭掩雙袂吞聲泣路衢

妾薄命

妾如木槿花朝榮愁日莫君如楊白花東飛復西去去
去何時還西度榆林關不怨妾憔悴念君非故顏

雞鳴高樹顛

雞鳴高樹顛征夫夜不眠披衣下牀去牽馬立門前妻
孀相訣別長征遼海間上山馬蹄滑渡河河水堅堅水
有時泮浮雲何當還

烏生八九子

烏生八九子，啁啾高樹間。
西鄰彈射兒，挾矢探金丸。
東家白髮翁，咄嗒多苦顏。
投杖前抱持，拉絕弓與絃。
急難不相恤，安用交豪賢。
羽翮幸無恙，飲啄何翩翩。
被德良不訾，報恩誰復言。

邯鄲才人嫁爲厮養卒婦

委作溝中泥，寧爲篋中扇。
扇棄猶自可，泥污誰忍見。
宿昔傾城姿，窈窕稱邦媛。
佩玉珥明珠，挾瑟侍歡宴。
春華辭舊枝，榮悴中塗變。
未能自決絕，摧頽就鄙賤。
洗糝臥委巷，夜夢猶廣殿。
卷舌懷故恩，願化堂前燕。

釣竿篇

持竿南山下，濯足大河涯。
河流何湯湯，魚尾何萋萋。
水

清小魚見水濁大魚肥龍子亦魚服太息中心悲芳餌
慎勿貪後車非所期被褐蹇獨處誰當知我爲

浮萍兔絲篇

李將軍言部曲嘗掠人妻旣數年攜之南征值
其故夫一見慟絕問其夫已納新婦則兵之故
妻也四人皆大哭各反其妻而去予爲作浮萍

兔絲篇

浮萍寄洪波飄飄東復西兔絲罥喬柯裊裊復離披兔
絲斷有日浮萍合有時浮萍語兔絲離合安可知健兒
東南征馬上傾城姿輕羅作障而顧盼生光儀故夫從
旁窺拭目驚且疑長跪問健兒母乃賤子妻賤子分已

斷買婦商山陞但願一相見永訣從此辭相見肝腸絕
健兒心乍悲自言亦有婦商山生別離我成十餘載不
知從阿誰爾婦旣我鄉便可會路岐寧知商山婦復向
健兒啼本執君箕帚棄我忽如遺黃雀從鳥飛比翼長
參差雄飛占新巢雌伏思舊枝兩雄相顧詫各自還其
雌雌雄一時合雙淚沾裳衣

采桑篇

種桑東谷口谿路何逶迤夕摘日薄莫朝摘露未晞不
自知妾苦但爲愁蠶饑努力事織作奉爲君子衣七襄
爛五色是妾手中絲裁縫稱長短被服生光輝振襟還
歎息含情當語誰新衣時復故盛顏日已衰十月隕繁

霜桑葉隨風飛願君為磐石素心無轉移

丘陵歌

陟梁甫兮馬虺隤瞻泰山兮雲不開雲不開兮日莫雨

回望魯兮逝何所

升天行

丹鳳一雙乘雲上翔俯視八極中路徬徨解一下土小臣

心思太古言叩天門手擎天鼓雷雨晝迷噤不得語解二

天閭高高高不可即但見羣仙玉女侍側貨財千億黃

既成貨財千億役使鬼神玉女侍側見陰長生仙詩小臣昧歎頓首言天闕清虛

安用貨財千萬億願丐下土小民作衣食解三仙人持節

問汝何所求小臣不願富貴願假赤螭遊戲十洲山無

崩徙河海安流天子萬年兵革罷小臣魯鈍但當貧賤
長優游四解

擬宛轉歌

露已零斗酒醉復醒新聲曼曲歡自成夜闌別促傷人
情歌宛轉宛轉悲且遲願爲南山石硜硜心不移

星欲稀雙鳥驚不棲野蠶作繭機中絲纏綿辛苦爲君
衣歌宛轉宛轉不能忘沈憂令人老歡樂夜未央

慷慨歌

耕田求食苦不得息起而爲吏薄食我力念爲良吏何
可得一解貪吏受錢甘如飴身安逸樂廉潔何爲入無以

娛室家出無以游賢豪長者遺我心所思何不歸故鄉

與妻子共舖糜

二解

念為貪吏子孫愚受人嗤念為廉吏

子孫雖賢常苦飢嗟彼子孫誰何人丈夫各有志何當

為爾作計身受惡名為

三解

折楊柳歌詞

路傍執手別借問還歸時春風二三月吹殺馬上兒

二

莫作閨中婦寧作陌上塵願得隨風起為君霑羅巾

三

腰佩鹿盧劍背着錦襦襜策馬願馬肥出門願身強

四

鷓子橫天飛日莫有歸翼莫學菖蒲花無由見顏色

讀曲歌

憐懽含怨怒當歌歛蛾眉春風入桃李婀娜難自持

蟲生黃蘗中滿腹心腸苦儂向石城住歡作襄陽估

庭前夜合花枝葉相重複雙鳥不肖棲汝從何處宿

歡情奈何許窺井不見底東家石榴樹纍纍自成子

持歌勸歡飲歡復強儂醉歌到懊儂曲墮儂一生淚

六

儂歌不言好薄言託情素為取歡顧儂故作曲中誤

七

他人亦憐歡儂無負歡事持釵刺儂心劃作相思字

八

別歡不能眠遠行斷消息羨殺青溪姑無郎罷相憶

九

玉井藕如船定生五石蓮斷錦不成匹當牕仰喚天

隴頭水

隴阪九折長水流去何極故鄉行當歸行子各努力

二

登高望所思引領迷處所征夫腸百結吞聲不得語

三

隴高寒氣蚤九月霑嚴霜落葉墮水底遊子悲道旁

四

隴頭水幽咽隴頭人髮白隴頭人回頭隴頭水自流

華山畿

郎心何太切使儂腸斷絕歎合得同棺生嫁止同穴

泰山梁父吟

山高多烈風鬱鬱少松栢側足陵天門浮雲蔽碣石辛
勤紀封禪茫昧探玉策攘攘七十君一逝無陳迹上爲
羣仙居下爲萬鬼宅言當采芝食使我生羽翮攬裳不

及餐白日何促迫生非孔顏徒百年亦何益何況蕩陰
里空埋壯士魄

夜坐吟

長夜何漫漫天風吹我征衣寒人生一寸心安能糺結
千萬端野曠飛蓬不得息引領高臺望八極星稀河漢
雞欲啼記得前年別家時

望遠曲

歡從何處去妾倚中庭樹不恨天涯遠恨殺門前路

彈箏曲

高樓夜靜流悲音願君千里知妾心回風吹折餘音斷
淚落輕裾拂絃緩

烏棲欲奏烏啼曲烏啼啞啞傷柱促遼陽十載不思家
秦箏那得比胡笳

雞鳴曲

喔喔復喔喔雞鳴茅屋角客行千里無此聲傾耳聽之
客情踟躕回勸主人翁勿畱此雞鳴屋中朔方健兒
如雲屯城中掠盡來山村山深茅屋隔松筠但聞雞鳴
知有人妻孥被掠雞亦烹空庭破壁徒酸辛君不見長
夜漫漫夜相續啾啾人鬼同時哭

送春曲

江水瀾瀾草萋萋君行何速來何遲願畱君兮君不知
回風拂樹庭花飛仙人會當老何事戀馳暉歌且舞送

君歸

棗棗曲

海陽有香棗蓋取二棗剝剝疊成中屑茴香以
蜜漬之好事者持爲遠餉詢其始則商人婦所
爲寄其夫者義取早早回鄉云予爲作棗棗曲
其詞曰

井梧未落棗欲黃秋風來早吹妾裳含情剝棗寄遠方
綿綿重疊千迴腸封題寄去憑君語棗甘誰道妾心苦
閨中不識望夫山君看淚濕牀頭土

采麥詞

衿無衣倉無儲田家兒女啼呱呱新婦采麥奉老姑老

姑髮白齒盡落有兒服賈母藜藿前日風吹麥落花今日雨浸麥生芽老蠶成蛾又生子良人何不早還家

病兒詞

夜不得解身上襦晝不得織機中絲問爾懷中兒嬌啼一何悲君家門戶單兒女難剪我匹練市藥一丸嬌兒泣咽旋復吐中宵索母齒枯乳烏啼啞啞天黑莫雨醫當從何來門外水深三尺許

莫射雁詞

莫射雁雁孤不復雙夜夜哀鳴思故雄天寒野曠積冰雪獨憂矰繳聲不絕却驚羣雁來相欺吞聲抱義中心悲
悲流人遠謫多邊戍定有逋臣附尺素請君放雁且雙

飛憑寄書來還寄去

牧童謠

上田下田傍山谷三年播種一年熟老牛亂後生黃犢
版築將營結茅屋催科令急畏租吏室中賣盡牛亦棄
今年逋租尚有牛明歲田荒愁不愁前山吹笳後擊鼓
殺牛饗士如礮鼠牛兮牛兮適何土

荻港謠

江口泊處一夕水涌丈餘有宋公臥官舫夢神
促曰移船移船遽驚起船纜已解俄岸崩如雷

它舟皆破溺矣

事在順治丁酉十月十六日

港中艇子不可宿夜半蛟翻浪崩屋港口頽垣不可居

蛟來觸岸民爲魚
我豈大編落何許
鼉駭鯨奔作風雨
幾人翻却橫黃金
有客移船聞鬼語

新安客

巍巍蠶叢路飛鳥不能度
中有新安客老向成都
任家中存阿誰爇獨餘故妻
別時兒在腹雌雄未可知
冉冉二十春寄書無六親
忽逢遠來客云是新安人
在問叙鄉曲同姓復同里
握手稱弟兄何意乃父子
飛蓬偶相值哭拜不能起
阿母望爺歸淚落東流水
水流何潺潺遊子及時還

獨山婦

獨山地名余氏婦也

枯楊巢野雀將雛苦不蕃
勿爲貧家婦被遣適它門
夫

壻已決絕乳下癡兒存入門見耽贅阿母中心煩悔不
守故夫抱兒歸九原小兒不解事索脯無朝昏中庭有
苦李纍纍垂墮垣開花自結實好惡那得論腹中復有
兒婦病臥草問力難致醫藥負薪得肉還阿姥知釜肉
故嗔背姥餐吾老乏藜藿新婦私饗餐婦慚矢曠日強
起聲暗吞持刀未割炙痴兒啼怒喧汝實衆所憎去去
慎莫前啖之却牽衣揮刃兒不全兒自有阿父事理那
可言里正白縣吏縣吏清且賢謂婦非故忍薄贖十二
緡富家有牛賣貧家止雞豚語婦汝作祟鬻汝充官錢
生兒好還我慎勿復相煎婦答我免身理合奔黃泉我
雖若蒲葦一辱無再遷四顧鬱誰訴雉經挂桑園是月

兒當產腹悲空煩冤阿夫在南鄰媒妁方糾纏東家有
樵子稱貸相資緣作計論錢帛雜用青繩穿夫歸見婦
歎悲憤填心肝門前舊井在舉身赴重淵四命爭須臾
老樹號烏鳶燭火燔鄧林蟻穴成長川里嫗責細故盡
室悲摧殘傳戒後世人骨肉應相憐

海魚篇

東海有巨魚掉尾北海灣兩目若日月掣浪如連山朝
薄扶桑津夕過碣石還饗餐用水族吞舟喻百川憑陵
作風雨遊戲走平原潮回忽失水坐困沮洳間漁子揮
霜刀聚族橫相干修鱗實洲渚鮮膾登金盤委身供啖
食口噤不得言生爲蛟龍畏歿爲鰕鮓餐

抱松女

宣城秀才羅愷妻孫氏未笄從姑避兵匿松下
兵獲姑將殺孫亟出以身代兵脅之去抱松大
呼曰歾耳義不可辱遂見害三日猶抱松不仆
人稱抱松女云

松之青青兮女娉婷松之瑟瑟兮女貞一松可斷兮女
不可轉徹松根兮凝血碧永千古兮松化石

敝袴翁

身無完袴家餘紈素彼誰者翁嗇身窮莫誰使爾對吏
吏大叫怒倒索筐篋泣下如雨

解

翁勿歎翁勿歎里中

嘈嘈環顧笑言平生親故無升斗今日傾筐持爲官長

壽二谷有牛羊園有梨棗老翁歸來戒兒食勿飽棗熟

不敢剝羣雀復來啄三岸崩於東西則有步匏苦瓜甜

誰知厥故有日官人子白身充富戶四

貞孝篇

阮氏女未字而貞割股事姑以孝聞

日晝暝霜夏落女無夫空倉雀誰使露中花變作風中

籜與君約為婚妾未識君門為君奉姑舅未侍君箕帚

春風吹兮桃李枝山有松分心不移死不難兮心獨悲

辛苦韶華空爾為

王括蒼漁父行為周宿來太守作

東甌惡溪水中有九龍灣奔流急於箭駭浪高如山估

客自覆舟漁父自垂竿青繩四角箱乃出蒲葦間中有
碧玉盤文犀兼木難歲蕤生五色糾結青琅玕持詣府
中趨請爲府主歡使君大嗟吁便可待賈還賈謝前致
詞理合歸上官物鄙不足取乞畱碧玉盤揮手却買去
長跪涕闌干還持餉漁父固辭非所安借問漁父家蓬
門亦不完高原有松栢其下生芳蘭直木無曲枝澄淵
無濁瀾使君與漁父千秋同一歎

梧井篇

哀二烈婦也癸未寇陷登封諸生焦陽長妻楊
其弟之妻牛並投梧下井以歿焦追悼有梧井

遺恨篇

青青井上梧湛湛井中水中有雙白璧並葬寒泉裏霜
枝老不枯巢鳥啼不已宅日井梧枝會應作連理

殘雪曲

南山之陰停白雲含愁結怨遲陽春願畱清光持照君

黃鵠歌哀膠州韓烈婦張氏

黃鵠喪其雄孤飛起徬徨空林聞夜號月黑天雨霜一解

偷生義不爲上堂辭阿姥顧語黃口兒那能復惜汝二解

獨繭不成匹單柯不成林海乾白石爛誰能轉妾心三解

畢命青絲繩合歡黃泉路東海多烈風夜夜振庭樹四解

憶遠曲

狂夫舊種辛夷花風吹花片落誰家妾手親栽女貞木

多年葉覆空房綠
裁縫重寄征衣裳
愁君恨君願君強
縱使來歸妾已老
背立東風私斷腸

畢命終風篇

大風連日夜屋瓦聲
洶洶孤枕旅思繁
短檠霜氣重太白
一何高光芒勢飛
動萬事總飄搖
藏舟苦不勇廩粟
霑腐儒素餐實闕
冗賜金酒可沽
內顧慚且悚
久安朽鈍姿
詎當徵辟
寵鴻筆謝淵
雲微言昧周孔
雨雪一冬無
稿壤闕秋種
歲事頻艱辛
物情逾倥偬
把卷手欲僵
敝裘爐自擁
時序忽已闌
坐增遲暮恐

莫相忘行

贈同時被召諸公

人生良會不易得
對面東西各南北
干戈遲暮更驚心

相望那能見顏色
搗來文士如雲屯
一時待詔來金門
深山大澤皆羅致
申命重招勞
至尊枚馬紛紛皆博
雅漢世賢良稱董賈
彩筆雕龍徒滿眼
吾儕豈是悠悠者
從來虎鼠有定命
歌聲金石貧非病
縱令醉尉相擁
揄早被
君王識名姓
男兒苑枯聚散復
何常與君相
見莫相忘

禽言

姑惡姑惡使儂朝炊夜汲
饑復采桑故嗔不操作
姑惡自可小姑啾啾一何虐
明年小姑亦有姑行當知苦樂
又
不如歸去碩鼠虎步
蒺藜塞塗老馬踟顧

又

泥滑滑泥淺可脫泥深不可拔兒家自有夫何當隨汝
苟存活細雨霏霏行路難長弓大劍相鞭撻

又

脫袴脫袴蕪田不耕辦田賦里胥夜來烹我雞燒我蓬
戶岸濶河深赤身走向何村去

又

婆餅焦阿翁惱孫兒飢夜啼餅焦亦言好南山高孫兒
有母畱賊巢念欲往贖取耐可囊無金錯刀

又

行不得哥哥白晝伏山阿中夜渡河前有挾彈後有張

羅鷓子橫天飛雀處一何多

又

提壺提壺有酒不飲當誰需憂來不能語起步空庭周
四隅手捋長髭鬚東家子焦唇讀書不如西鄰子鼓瑟
吹竽

施愚山先生學餘詩集卷之二終

眼想山尖坐學翁
持東卷之二終

六

四州年休昇
誰瀑東來千
燕冠善不吹
西緣千
楚
到堂與
靈有
郎不
增
滿
華
誰
晏
來
不
漸
掃
波
共
空
風
聞

又

爾歸千謝天
派畫入一
四
終
空
風
聞

施愚山先生學餘詩集卷之三

五言古

述祖德詩

并序

序曰商周作詩推美先德見諸雅頌厥後詩人

潘岳撰家風之篇靈運重祖德之述義非私濫

並著曩編維我先王父履躬昌道講習之會十

有四州肇義田贍宗黨學者至今稱不衰痛罹

喪亂所撰遺書闕亾先大夫孝友絕人益振令

緒年不展德逾壯而卒行雖信乎友生事不傳

諸國史大懼隕沒各述髣髴用告有道云爾

述祖

文學諱弘猷字允升學者稱中明先生崇祀鄉賢及所在書院

王風久隕缺大道日寢微孔轍豈不邇百家爭路馳吾
宗肇東魯七十肩相隨在漢顯經學讐也博士師士句
揚其波先後同聲施世遠存本根後勁振前綏微言紹
天學高步追宣尼講肆羣響臻周遊遂忘疲閑先恢孟
辯排異蹇韓旗磬折勞公卿閎聲蜚布衣輟餐餉婁士
商歌長樂飢德音昭俎豆奕葉流風徽

述考

贈奉政大夫諱
字曾省一字述明

前徽洵卓犖望古鬱長嘆惜不逮師孔翱翔洙泗間遺
言滿笥篋喪亂悲闕殘生世逢百罹營道良獨難純孝
踵曾閔潔志厲與璠纏綿九族義欵懇同氣歡努力沛
先澤遺構靡不完晞髮清川汜永嘯層峰端修塗苦促

算履順一何愆跪讀我父書俯仰涕潸潸
上士罕長年儒林闕傳記潛德當誰宣

詠古雜詩

黃河有本源傳自崑崙丘隄防苟不固汎濫將爲憂
亥度天地夸父觸不周目營萬里外心遺徑寸謀
青陽無畱景仄逕多傾翰弱水不可航欲濟行無由
喟焉睠周道止策還優游

文明盛中古帝陛存土階相驅遞雕斲大樸無重同
百家既蠶起六籍歸秦灰世變不可極斯文爲之灾
犇騰過千載作者橫九陔周行改岐路榮木忘故莛
衆草旣

已蕃霜雪終皚皚宣尼志刪述筮賈有餘哀

宋興三 賦六 辭賦等優俳諷諫亦無諱孝友

赤帝薄儒冠得鹿守文治斯文有本根過魯先孔祀墻

壁出遺經諸儒相鼓吹辭賦等優俳諷諫亦無諱孝友

寬賈生痛哭肆高議謗書訾史遷身辱書不墜風騷許

怨誹煌煌四始義楊惲行樂人片言乃階厲吞聲拊岳

歌千春為流涕

四

種蘭思花多種瓜思蔓長姬周本忠厚弱祚逾夏商祖

龍亦何促黔首棲劔鋏炎劉襲餘烈吏酷如探湯朝爵

拜通侯夕尸棄道傍懿彼從赤松蟬蛻惟子房

五

玉樹生傾崖不如桑與麻抱璞貴不毀黨人詎足誇磨
滂如火烈剛直成疵瑕衽席視湯鑊甘歠無吝嗟張儉
斗筲人脫身連萬家惜哉荀爽言棄擲如塵沙

六

卜式本助邊義請烹弘羊次公起錢穀奮身稱循良毀
家紆國難受爵亦何傷志士有逃祿抗迹獨高翔徵車
卧不起飲毒何倉皇奉錢贖徵聘咄咄譙君黃

七

平勃交歡日呂狐收族時陸生掉寸舌不使九鼎移生
才各有用所貴心相知純鉤或繞指神龍時守雌諤諤

洛陽生乃羞絳灌爲

八

下士多所營上士少所偶寸心懷百憂毫末非我有豈
無千夫雄馳騫求白首達哉柱下言人與骨俱朽長跼
問猶龍賤子長年不青牛不可追行就尼山叟

九

浮雲如車蓋白日蔽餘暉衝飈起中路化作飄蓬飛行
行無根蒂持此終安歸雍門自鼓歌薛公霑裳衣千春
誰不死朝菌良可悲君看繁華子寧憶桑榆時

十

獨行良蹢蹢四顧何滔滔富貴徒汨沒不如爲客豪朝

爲斗酒會莫爲刎頸交翔鷗凌廣漢奮翅求其曹張陳
旣相厄蕭朱非久要烈士寸心合萬事輕秋毫兩人成
一身長嗟左伯桃

十一

詩人罕聞道粟里有徵士坦履就田疇遐尚追皓綺稱
心發高唱和歌者誰子右丞及左司異代分具體枯槁
何見嘲玄液非甘醴悟彼高山操絕絃良有以

十二

蒼鷹飽搏擊鸞鳳無棲枝弋人慕彩翰弓繳將見欺文
章資叱咤高步多嶮巖禰生求白刃黃祖安足啗輟翰
就戎服彎弓西北馳寶刀珠玉飾白馬黃金羈常從霍

驃騎不數李貳師功成會天幸虎嘯不移時今日萬戶
侯昨日羽林兒

十三

驅車適齊魯飢渴求善士觀瀾洙泗濱濯纓滄溟涘美
哉洵泱泱大道亦孔邇百谷何羣飛天風揚海水賓客
競平津塵埃生闕里行行薊北門滔滔長安市橘柚雖
佳樹渡淮化爲枳衆醉思獨醒轉歎於陵子

十四

昔遊嵩與洛引領箕山岑野曠風蕭條落葉下脩林高
墳獨崔巍流泉清且深未知墓者誰父老傳至今萬乘
且不顧何況揮黃金矯立易爲節達生難處心詰人冥

榮瘁貴不撓素襟垂旒如白屋楮冠樂鳴琴一爲撫絃
歌太古畱遺音

十五京口代年效樂商風木文發菲葳翁空林華

春鳥多好音鳴我池上樓情人盈海甸夙昔偕宴遊言
當策我駕顧望還淹畱出門阻虎豹安能歷九州芳蘭
易摧賈壯士多煩憂平生絃誦地牧馬成荒丘何以歌
我懷吾噫問四愁肉馬不可御翱翔驟赤虬欲挽天河
水俯澄濁海流

十六富凱樂急波賦賦金龍木出山賦賦賦賦賦

雀銜松樹子飛落枯桑顛本自非骨肉寄生亦纏綿誰
謂同根株兩心不相憐勢利生白刃兄弟成棄捐孤竹

樂交讓二趙悲獨全拊膺感至性三嘆不能言

十七

三王御海寓禮樂急斯須如金歸大冶巨細成規模
階彼羸氏任法仇詩書堂陞迷隔絕朝儀一何愚叔孫
采其弊綿蕞徒區區新聲傳樂府雅頌竟何如兩生不
肯行倔彊非世儒遺緒振河汾董薛復先殂長河日東
下蔓艸誰當除嗟爾墻東叟望古人踟躕

十八

青陽敷淑景百卉爭歲蕤商風未及發花落餘空枝華
士狗物欲傾身鶩文辭雕飾喪其璞少壯朱顏衰自古
多作者名在魂安歸生為鸞鳳吟死為猿狄悲獨言慕

揚馬誰與曾閔期

灌園

山園傍竹屋溪流
出襟帶讀書暇豫
多手灌引清瀨勿
言斯事鄙適與賞
心會樂矣桔槔翁
寧知卿相大昨日
涼風來今日桐葉
敗秋蔬苟失時霜
露將侵害辛苦滋
本根我生得微賴

栗園村

栗園嘉樹稀返景
前山赤客子無與
驩泐溪坐磐石朔
風一何怒翻巢傾
雀雛其母來下視
含哺聲嗚嗚口噤
舖不得宛頸久踟
躕心憐腸斷絕相
抱歔須臾羈懷餘
感愴歎息霑我襦
哀哉金九子彈射
充歡娛

鳳外茗隴行

避亂時作

山曲皆產茶故名

我有老祖母白髮披兩耳骨肉日零落慟哭依秋水
眼前看孤孫問是誰家子淚多早喪明艱虞迫莫齒白刃
何蒼皇驅我東南徙人與杖俱扶蹉跌入荆杞黽勉進
藿食哽咽受一匕男兒值亂世固窮未云鄙空鬱負米
心窮岫無甘旨

晨征發荒野薄莫臨迴溪秋水寒且急梁絕路無蹊妻
孥相怨怒濡足褰裳衣妾身不足惜所念懷中兒前山
猛虎穴日昃徒侶稀屏營不敢語怪我飢兒啼吞聲還
撥棄泣涕誰當知

三
遠赴南山阿言邁已百里樹杪見人烟解顏慰妻子捫
足息巖陰一坐不能起長跼乞主人廡下聊棲止親交
何雜遝兔絲牽葛藟茅屋二三間風雨昨傾圮去去勿
踟躕落日下荒壘

采薪

客居久寄食他人爲我炊感君不自德薄顏亦難施粗
衣裁掩骭微霰復已霏客心自多戚豈必寒與飢疎林
掃枯葉陰岫求枯枝攀條弄松雲引領眺京畿忽憶采
薇人淚下不可揮

宿山家

愚山先生詩集 卷三
山行路自遠孤客魂易迷莫鳥各歸去啾啾向我啼
暝色冒四野小徑多蒺藜俯見林麓下燈火臨礪蹊舉策
一叩門四壁風淒淒主人進粗飯努力療渴饑來時經
虎穴宿處連雞棲平生戒垂堂飄零緣鼓鼙客久望人
憐使我顏色低中宵萬感集不寐聞霜雞

懷友

嚴霜下喬木落葉隨風揚飄搖轉無極萬里越川梁客
遊何慷慨道路險且長仗劔久徒步雨雪霑衣裳層霄
置網羅健翮將摧傷破巢思危卵揮淚遙相望

二

中腸已斷絕之子歸無期豺狼蹲大路行人延頸唬

風拔山樹海甌多疾藜仰天中夜歎雙淚暗交頤時無
孫賓石誰當藏趙岐知命苟不憂努力待來茲

淳湖別邢景之

漠漠野田水新漲接平湖昔記漁家路今逃舊草廬村
前見野叟借問幽人居君館湖水外爲我夜回車乾坤
兵甲裏匏繫哀吾徒燈前兩不寐歌泣窮悲娛晨興當
早發薄言繫我駒牀頭開斗酒臨別烹雙魚論交憶童
丩流光忽以徂驩難感別促登車悲路隅

過石臼湖

征途遵石臼停橈傍陰壑霞集林臯疎潦收浦淑涸菰
蒲冒清淺魚鼈鬱蕭索颺颺商飈來嗷嗷羣鷺落臨集

愚山先生詩集卷三
復回翔悲鳴避矰繳中澤暗張羅殺機難可脫勞生害
水族人物兩索寞黃鵠獨高飛矯翼何寥廓

采石

犀渚橫斷岸積石鬱巒岼上有千仞峰下有萬里瀾明
月墮懷袖側首天門寒長江一杯水借問幾時乾

客中獨酌偶和陶公飲酒

人生若奔馬促促竟何之崎嶇逐所欲寧似閒居時得
歡日已足何爲待來茲彭殤等朝莫下士心然疑但當
樂相樂一觴聊共持

荒途遐且阻虎豹嗥前山駮車豈無感客子故難言時

把坐上酒仰首黃虞年著書莫我知吞聲誰與傳

三

在晉有高士佯狂遺世情沈醉自埋照清芬揚令名
豈中所熱聊得達此生非磐石固常恐風波驚丈夫
不聞道努力當何成

四

憂來不能坐靜言思奮飛自顧無羽翼徘徊心轉悲
日月不可語策足當何依南山微雨歇浮雲各言歸
其下有松菊嚴飈獨不衰所樂誠區區素心貴無違

五

曲肱北窗臥松風爲我喧羲皇不相待樂向此中偏須

愚山先生詩集 卷三五言古 九
與明月出挂我檐前山鳥鵲從何來孤飛尚未還感物
一長歎時哉無與言

六
挂瓢與扣角借問誰爲是蛾眉易爲嫉珍器易爲毀大
道本無名榮利徒爲爾披裘且揮金君毋羨羅綺悲日

七

少年愛游俠把臂尋豪英有時還獨坐側見古人情歲
寒變枝葉瓊樹亦已傾形神自相賊孰以堅白鳴且盡
一尊酒無爲勞我生

八

玄豹多隱霧潛虬養幽姿黃雀徒嗷嗷爭食且爭枝物

生各有尚介立斯言奇天地無心
情高厚奚爾爲哀彼汗血駒
屈首黃金羈人與女

九三

曠野涼風至颯然柴扉開坐見田疇綠
愜我平生懷平生願有託所憂中路乖
風波一失足終日徒栖栖身在世網中
汗顏汨其泥道阻多窘步鄙性終寡諧
駈車尋舊轍前路幸未迷如何阮步兵
途窮駕始回

補樂十卷營其寶昏昏雲中舞恣意
遊人未

我生在東南行行西北隅天地共羈
紲孰敢辭修途長飢不能飽萬里空
馳驅四海自不足一勺自有餘鷓鴣
與黃鵠從君卜所居

束髮事詩書謀身貴有道三十爲壯年頽然已心老飲
酒不辭醉常恐雙髻槁寸心得所向醉醒各言好玄珠
歸象罔多營喪其寶君看雲中鶴恣意遊八表

曹州十二

幸未也吹回元卷共發東城回

日月無停馭冉冉成四時昨夜庭花落青春與我辭美
人惜遲莫感歎方在茲濟世有長策攘臂羞狐疑斧柯
不在手將爲龜山欺寄聲託浮雲吾道當何之

十三

桃源竟安在踪跡隱人境我病倦游尋獨醉不遑醒醉
中有深義醒者莫能領士貴處域外豈見囊中穎纓組

終塵埃素心自炳炳

十四

我昔避戎馬間關千里至日莫猶獨行有酒不敢醉宿
雁起我前驚翔失行次不經亂離苦寧知安樂貴萬事
一皆然食茶有餘味

十五

遠遊臨蓬壺叩彼仙人宅俯仰天地間倏忽皆陳迹人
生處駒隙祝年無過百仙人贈我藥鬢髮永不白冥性
得自然至道當矜惜

十六

猗惟予祖考步趨依六經徽音邈難續吾道竟何成鄙

哉陷章句局守不敢更中夜忽不寐攬衣步前庭微月
皎已沒孤雀時悲鳴丈夫多坎壈勿令傷吾情

十七

青溪連我宅短棹隨輕風風吹一水香百花漾其中不
知人境隔忽與仙源通鴻飛既冥冥何事勞鸞弓

十八

芳樹無久華榮名豈常得轂轉須臾間下士多所惑涓
涓蟻穴潰滔滔不可塞涇渭相波瀾殄瘁及邦國酒德
良可頌世事行當嘿

十九

乞食亦云好折腰何必仕叩門誰爲開一飢少知己釜

甌自生塵妻孥爲我心我行騁四方我夢歸故里風波
在須臾甲子不可紀飛蓬無根株中路何當止黽勉故
人心歲寒良足恃

二十

貧士生草間性鄙情亦真田父日往來樂此風俗淳長
吟發隴畝遺響多清新懷騷追屈宋好古軼周秦靡靡
六朝籍棄置如織塵筆削非我事詠歌肆微勤不言著
作好聊得心所親耦耕旣苦疲策駕空迷津開我牀頭
酒漉以頭上巾抗手呼陶公我亦醉鄉人

古意

和璧莫投鼠干將莫擊石投鼠璧先碎擊石劍先折結

惠山先生詩集 卷三 三
怨不在深片語傷人心買禍不在多燭火燔鄧林

二

莫作長柳枝路旁怨離別莫作合歡花閨中腸斷絕絲
染無復白髮白無重黑努力愛青春一失不再得

秋懷詩

客園俯華沼桂樹交南軒涼風中夕起零露淒已繁英
蕤不急揚憔悴當何存視彼傷秋懷惻惻不可論寒夜
爲我永百蟲爲我喧寸心莫與照抱月倚高原

八公二

城頭已枯藿谷中尚芳草寒暑豈參差幽居顏色好繁
華驚逝波謀身須及早追歡思盛年埋憂思速老言從

陶令遊荷鋤同一飽

三

子真早挂冠伯鸞遠出關丈夫懷耿介依人慚厚顏樓
頭有明月三五向我圓所思不可見道遠心相憐夜遊
雖秉燭不如朝日妍莫齒雖同歡不如壯盛年

四

涼風吹帷幕蕭蕭攬裳衣賢愚同嗷嗷罄折交相嗤蕭
曹弄刀筆衛霍開邊陲賈傅空前席柔翰揚葳蕤清濁
雖異流鬢髮颯已衰他生縱歡樂當復知我誰不見遼
東鶴自言丁令威四顧無所歸胡不冢纍纍

夢先母

愚山先生詩集卷三
三
閨章十歲而孤背母時甫三歲自傷孩穉不識
母夢亦無之已丑舉禮部歸次江北夢吾母破
冢出如臥初起且呼兒就語驚寤遂失聲書以
誌吾痛焉

射策遊金門回鑣返故國故國傷我懷風木情慘惻中
夜夢慈親藹藹好顏色頎然出黃土衣裳徐拂拭自稱
爲我母呼兒侍母側失恃在襁褓夢寐詎相識愴怳心
然疑流淚滿胸臆遊子良可悲精靈逝不測明發拜松
楸當聞母歎息

貽水東親舊

我昔來東溪談笑歡忘歸我今來東溪躑躅淚沾衣結

婚十餘載纏綿如兔絲東南秀諸峰握手欣招攜人獸
跡絕處拂石命我題情事兩娛樂日夕爭傾卮倉皇避
寇盜盡室相因依聞難畏相失減米同渴飢歲寒別貞
脆義重情不移荏苒二三載歿喪踵相隨山原松樹下
新塚何纍纍存者各憔悴失聲向我啼予忝四方人聚
散安可知駢車烽火間時與親戚辭長恐西州路往來
踪跡稀

湯烈女詩

吾友湯衣白女也乙酉歲歸沈氏道被兵掠不
辱帶刃赴水中歿

鬱鬱女貞木矯矯歲寒心托根自磐石孤幹凌丹岑寧

受斧斤斷不受霜雪侵
瑤琴倘見取當聞別
雀音

邊吏行

聞命已慟哭相送各吞聲
腰下豈無組佇立心屏營
天子拓四海中原猶戰爭
百里絕烟火千里畱空城
城開不敢入狐兔何縱橫
莫從城烏宿朝從蒿里行
官飢不得食國稅有常征
軍書日夜下飛輓十萬兵
令嚴甘就死索賦無人耕
一身委疆場哀哉骨肉情

送張八長李應武舉

寧爲韝上鷹勿作罝中兔
張子虎嘯人青雲愁日莫
家世滿簪纓君獨鄙章句
不辭萬里行遠逐沙場去
白日自西馳黃河自東注
誰解戰士袍坐以將軍樹

舟中七月十五夜

水宿淹屢旬晚棹行未歇蓬窗西向開搖搖峰影沒蘆
中露欲零沙際木微脫蟋蟀鳴幾宵涼颺切人骨故鄉
當此時柔盛薦秋節自予久行役頻致烝嘗缺薄祿不
逮親守官赴京闕簫鼓鳴中流夜靜聲幽咽惟見波上
鳥飛向山頭月

濟北懷故人

渚烟昏夕岸四望無孤城舟中一步地百蟲繞我鳴蟲
鳴爾自適不謂傷人情漁翁進雙鯉一壺聊自傾忽憶
故人夢昨夜宛平生觴酌聚鄰曲歡呼無停聲今夕復
何夕獨坐空屏營

施愚山先生學餘詩集卷之四

五言古

舟次覓酒不得佳

我有數斗酒攜來自鄉曲
取醉不在多時時慰獨宿
昨成飲酒詩百觴苦不足
不惜十千沽恨乏尊中綠
因憶故山泉清冷漱寒玉
釀以渚田秫雜以籬下菊
開甕歡新醅呼飲舊風俗
淵明行未歸濁酒誰當漉

船破

蠲首何摧頽長鯨風雨至
嗟爾萬斛舟致遠良不易
高帆入烟霄洪濤歷淮泗
舟石忽相觸衣袂夙無備
拱手呼鬼神將無河伯崇
舟中有賈客相顧皆涕淚
坐喪千

金賞萬里空憔悴我獨攜舊書沾溼有餘慰

奉使粵西答長安諸公送別

時子初入比部

風燕斷時手

朝謁承明廬夕發天南隅疲馬不遑息中宵脂我車故

人餞我酒贈我明月珠願君瘴癘地好愛千金軀再拜

謝君言雙淚漉衣襦桂嶺尚烽火豺虎交路衢不惜行

路難銜命綏蠻陬揮手望扶桑策駕長馳驅

燕江除夕苦不眠不計十千古則之尊中絲因謝

遠別憂思長近阻憂思亟客舟傍鄉路歲除仍旅食燈

火明江干人聲夜不息勞勞日以老滔滔去何極兒當

學人語不得戲我側飄蓬懷故根常媿歸飛翼

壬辰元旦聞雷

守歲不遑寐披衣佇將旦仰視天氣柔東風客愁散不
願多歡娛但願少悲嘆椒觴未及奠霹靂崩江岸幽房
蟄蟲翻瞑浦歸鳧亂十載困于戈頻年苦水旱天道或
杳冥人事已波瀾疾威從此始君子慎勿玩

夫湘潭阻風懷侯藍山韓振
夏艤歌且罷淚落水中央悲風觸頰岸鳥獸各驚翔引
纜牽宿莽夾路山蒼蒼美人在九疑孤權留瀟湘巖谷
晝晦冥側身憂豺狼天南風日異戰後百城荒以予遊
子悲知君思故鄉血日以拭不帶飄飄水

湖南行

浩浩湖南行悄悄悲修塗荒城時臥虎空村無啼鳥哀

長山先生詩集 卷四 正言古 二
我同袍子

時守令多
余同年友

惴慄官此都悍俗荆蠻接遺黎魍

魍俱白骨爲瓦礫青燐然丘墟王師跨嶺表鎧甲簇蒼

梧供億日以繁膏血日以枯不惜腰磬折鞭撻銷肌膚

官貧易得罪生歿爭須臾豈無一循良七載無遷除愁

凝九嶷煙魂遊洞庭湖長跪乞大吏但放歸田廬直指

古仁人

謂李侍
御敬

攬轡立踟躕自出橐中金買犢開榛蕪

丈夫萬里志奮臂拯艱虞庶幾繪圖獻一使蒼生蘇

游朝陽巖洞

我尋愚溪路值此巖洞幽靈湫鳴石底山木風颼颼入

洞展几席飛觴左右流春光崖際莫暑氣潭上秋魚鳥

泳清泚宮觀臨滄洲長懷弃圭組散髮依林丘西亭有

遺咏日落還淹留

子厚有朝陽西亭二十韻

抵桂林

燕山發凜秋桂林來莫春
勞勞淹歲月悠悠忘苦辛
山多高樹稀巖石何嶙峋
清江淡白日芳草薰遊人
鉤輞越鳥叫縱橫虎豹羣
帶甲一何繁城郭少遺民
憑高不可望歎息當誰陳

鬱蒸苦炎寒春雨何淒淒
寒暑無定候裘葛常同時
弭節越王山望古伏波祠
山中有叢桂枝葉紛離披
采樵盡爲薪芳華不自持
攀援思美人中心彌渴飢

雨中登劉仙巖同王德一侍御同年胡天聲陳鳴

遷王德邁諸公

舊傳劉仙翁煉丹處後有施公墓其風亦棄官去并祀巖洞中

靈巖烟雨交幽洞白日莫欲尋赤松子遂枉青雲步谷
口歇鳴騶崖端倚佳樹神仙此窟宅泉石莽回互劉公
既蟬脫施子亦鳳翥采藥窺天門躡跡向烟霧共作逍
遙遊始知束縛誤勞人在塵網何異置中兔於役轉飛
蓬抱疴畏朝露庶幾企高軌解組得微悟日落衆鳥歸
躊躇下山路

夢友

壬辰四月六日舟次昭江夢亡友祖洲從車騎

過余言別狀若趣裝之官者且曰道里悠長單

車之費願假九十緡予傾橐佐之不及詢其所

往覺而流涕作夢友

高義成往躅吞聲泣孤墳幽魂關塞來萬里接清芬衣
冠一何偉車蓋翔浮雲躊躇征路長握手不忍分解我
橐中裝造次展殷勤歿別已八載悲鳴思故羣鬼神錄
正直浩氣凌秋旻雞鳴曉霧白開戶空氣氤

客舍作

草生大道傍春日少芳菲人生車輪間壯士無光輝道
逢一心人下馬語依依綈袍豈必解感泣自霑衣不見
當路子棄我忽如遺荒塗多虎豹行子歸無期停子萬
里車尊前聊共持匪爲飢與渴故人相見稀

東粵客夜

南園蟋蟀鳴西碛蟋蟀入炎方正暑節秋蟲一何急中
宵指北斗知爲舊京邑蠻陬多反側旌旗暗原隰城野
兩相傷白骨痛何及誰知行路人日洒楊朱泣

過秦和縣

日落秦和道津吏不我迎城下猛虎跡城上啼烏聲此
地賊如蝟人家荆棘生縣官入高砦飢卒守空城賊來
卒亦走迅疾如流星空持使臣節歎息淚沾纓

粵西亂後懷平樂太守尹冀階同年

予本臥疴人乃乘相如傳浩蕩越江湖迢遞歷鄉縣分
符值朋舊天末各眷戀就中有尹生才名冠吳甸素心
炯白日紫瞳掣流電銜命守昭州魑魅日中見飲水愁

毒淫官庖無完饍藩鎮善督責汗顏甘訶譴誅求義不
忍出質到妻釧播遷兩及替玄髯颯已變聞我萬里來
握手驚拭面洒埽先下榻契闊共餐飯煦沫及僮僕敝
衣爲補繕傾橐治我裝左右色無倦二子汗血駒齟齒
挺英彥論文受甲乙悲歌雜歡宴移觴松樹根濡翰鸚
鵒研陶陶夜未央羽檄喧轉戰桂嶺走鯨鯢昭江紛組
練城荒無駐卒路阻絕鄰援爨婢罷晨炊勺水不下嚙
我行已倉皇君意反繾綣中廚呼酒漿妻孥淚如霰餞
我登竹舸揮涕苦相勸封疆我則歿風鶴子當遠訣別
水聲中纜解急飛箭瘴雲落日昏耳目驟驚眩但見逋
逃人男女相蹂踐別來斷消息枯蓬各飄轉蒼梧殺氣

愚山先生詩集 卷四 五言古
高銅桂妖氛纏巢卵得無覆頸血恐已濺詩書故多難
鬼神不錄善長號敘悲憤戰地儒冠賤

琴溪

丹巘臨清溪飛梁冠殘霧古有馭風人跨鯉騁高步騰
身得所歸滅跡不回顧纖鱗蕩春波幽光耀寒樹嬋媛
女蘿深迷離仙隱處逝矣聖者懷樂哉濠叟趣道傍者
誰子矯首有餘慕

皇甫氏苦節詩

皇甫氏苦節詩
皇甫爲旌陽王善安婦年二十舉一子夫坐事

枉歿命速嫁以存孤泣對曰遲我十五年俟孤

立而報君地下或奪之急斷指血淋漓十五年

後卒如其言死

嗚呼古烈女懷霜心所安苟活義不忍求死良獨難凜
冬盛殺氣蘭蕙無彫殘孤根旣已植銜哀摧肺肝歿訣
言在耳念彼泉下單烏啼愛長夜寧知天風寒中冓
曼山與客登敬亭
看山真不厭踏葉響空林我友嵇阮徒長嘯同登臨荒
祠依古木傑閣冠丹岑城陰淡窈窕塔影標蕭森青蓮
去已久白雲畱至今精靈來髣髴鸞鶴有遺音天高遠
峰出木落寒泉深麻姑東在望揮手可招尋

觴錢聖月分得謝字

息心寡儔侶養病日多暇官貧厭章句轉欲謀耕稼錢

子滄海人千里倏命駕坦懷敦夙歡藉艸薦尊犖撫往
成痛哭憤今多叱咤晴鳥弄青春寒猿泣長夜屈指宛
陵遊故人半徂謝鬱紆懷古心踟躕北樓下

哭石湖邢孟貞

送別臨寒溪巖飈莫蕭瑟相訣豈爾時永痛纏愁疾平
生臥石湖握瑜長抱膝杖策稍出門蒙袂返蓬室蘊此
憂生嗟彌促引年術英華中路零篇籍恐遺失素車悵
有違宿草涕仍出諒直懷古歡論文舊儔匹篋中有遺
草逝將揭白日怛念久要萬事從茲畢

涇川桃園作

褰裳陵亂流理策遵修渚巖梅尚餘花溪桃紅半吐飛

霞散平疇錦浪生別浦雜卉旣嬋媛危亭亦森舉林豁
見山寺鳥喧作人語昔來紛彥會

舊有水西書院學者甚盛

事往餘

榛莽流目覽衆妍登高當孤嶼撫物歡在茲仙源復何

許

松筠圖篇美家孝廉元引母徐太君

吾家有偉元久廢蓼莪詩手持篋中卷嗚咽前致辭念
母實劬勞腸斷淚交頤賢齊伯鸞婦貧窶黔婁妻割股
充藥餌屑榆療渴飢柏舟旣早汎熊丸心苦悲書從口
中授淚濕機上絲寒燈暖四壁香月照單帷有女亦早
孀盛年處中閨齊心共孤影雙節流芳徽生無翟茀榮
沒無簪餌遺徒深烏鳥痛哀哀中夜啼寶茲松筠篇永

與金石期

過翬嶺

崇岡鬱峻嶒鳥道繞山腹仰探白日短俯瞰陰霞伏魚
貫度行人疲馬艱躑躅春晴多好風吹我巖壑綠農耕
嶺上雲婦飯溪中犢羈心曠登陟瘠土見風俗華陽靈
蹟闕杖策尋石屋

齊雲巖

裂石通天門陵巘構菌閣雲入巖下飛瀑從松頂落粲
粲香爐峰丹霞起陰壑七曜內盤旋百靈外回薄蒼顏
有五老聯翩勝廬嶽低昂向予笑神仙或可學

尋紫陽山遇雨

沿溪路不盡忽接溪上山溪山相與綠黃鳥時關關懷
古企靈蹟高步思追攀瞻望弗可及坐石聽潺湲

落石臺

清溪橫斷石獨障水東注瓠罇左右浮坐臥魚龍聚捨
策漾輕舫延目滄洲趣繁吹激潺湲陰霞改晨莫仰視
飛來亭參錯入烟霧河畔可投竿賞心復誰遇

書富瑯塔上

浮圖跨天漢海陽不盈掬萬象歸空蒙環溪漲新綠城
郭何參差蔽虧半林木遙看白岳雲天際來相逐

贈吳雨若

丹霞照腸谷芳樹榮東軒令節思佳人獨嘯誰與言飛

來雲中鵠顧我何翩翩天路豈不高戢羽深林間咬咬
鳴清風餘響溢長川慷慨敘心曲涕下如涌泉

山家阻雪

東臯艸木綠杖策尋丘園臨崖坐茆屋蘿蔓緣東軒既
歡雲木霽遂暢桑麻言夕霰響林薄晨雪蔽川原時見
南山鳥下我檐際喧凍枝折巖樹膠壑枯泉源永懷松
與柏歲寒安可諼

飛來峰至冷泉亭

夕宿遵水齋朝雲爛巖阿奮袂越修坂緣岡瞰頽蘿林
洞就詰曲石巘累嵯峨虛無驚嶺言窅冥禪客過丹崖
瀉土乳空磴森喬柯天地成斲鑿智巧一何多層顛睨

滄海下澗涌清波坐石濯塵纓晞髮凌飛霞詎爭濠濮
賞目寓自爲歌

禹陵

隨刊敷九土言登會稽山升遐豈此地高陵鬱嶢峿豐

碑紀四載侍從列千官山椒聳殿闕朱薨摩蒼天馨茲

俎豆潔哀我民力艱窆石旣磨泐畫棟猶飛舉陵上有窆石又

傳廟中畫棟嘗飛出赤珪藏日月金簡非人間亮無龍威文科斗

誰與傳

星峰亭作亭前有坑始皇所鑿以泄王氣

觸雨陵山椒陟巘展朝霽危亭冒嶇嶽漲水明埤現左

曳羲和車右把天姥袂白雲何連蜷髮鬚有根蒂秋草

愚山先生詩集 卷四
粲春華山鬼善凝睇坑勞秦帝鑿嶺想謝公憩豁達萬
古情流觀四山際

剡溪乘漲下娥江

秋霖漲千山孤遊倦歸路揚帆越郊垞漾楫陵岩樹茫
昧頽岸村皎潔遵渚鷺楓葉雖未丹林景已垂素側見
東山好尚想謝公步山開窈窕顏井畱歌舞處懷古心
賞交既往難可遇碑捫幼婦辭風捲老蛟怒嗟爾一江
水千載美無度

武林贈徐世臣

出門思求友眷德良寡儔念子瑚璉器窈窕賁林丘振
策西山麓濯纓東海流吐言爛雲漢長嘯辭公侯十年

阻契闊交臂盡綢繆出處道則異忼慨心相謀遵陸騁
高轡涉水思輕舟安得采芙蓉從子俱遨遊

懷顧與治

商飈吹好月惠然開我襟髣故人至延望無形音聞
子嬰世患京口久滯淫窶賤良足安遘閔故難任喬木
半摧殘時邢孟貞新物故誰爲瓊樹林抽簪吾未得念爾丘中

琴

過倪園弔文正公

亭館何玲瓏合沓無終始高榭累丹岑修廊照清泚鑿
築成川巖高深信具美謝傅東山宅康樂始寧里聲名
蔽天壤丘壑情所止抗節何從容正氣森嵒峙披髮白

愚山先生詩集 卷四
雲鄉魂歸或睠此便娟想菱荷蕭瑟瞻松杞美人不可
見揮淚長川汜

訊張木弟病

秋蘭出中澤江流深且寒涼飈何浩浩芳華日已殘上
士多苦心食梅不言酸著書成疹疾營道邁憂患願從
安期生跪受藥一丸遊涉歷五嶽輕舉餐琅玕達生有
餘樂無爲傷肺肝

剡中寄會稽家太守長野

時余將
赴京

戒楫若邪濱溯洄剡溪道川涸陟層岡杖策紆林表長
風萬里來吹彼雲中鳥高翮不易息哀鳴傷懷抱

連岡無窮吟歸雲有餘戀今日絺衣涼昨日裁紈扇歲
時寒暑侵人情睽合見判袂未盈旬懷思淚如霰

寄山陰徐伯調

柯亭有長笛爨下有遺琴玄覽無虛覲達人多苦辛物
亦感人情忼慨揚好音夙遵剡溪道躡屐嵇山岑昔賢
邈徂謝蕭蕭空竹林商歌一相和川谷響悲吟清飈赴
喬木鷲鳥翔層陰嘉會良不易凝眺沾衣襟

懷徐世臣丁飛濤

蜻蛚鳴東甍微風颯已涼二子何矯矯德音藹難忘流
光日苦短離憂日苦長珊瑚出海底皎若升扶桑島嶼
皆照耀丹霞隨風翔褰裳欲往從豈曰河無梁懷思亂

愚山先生詩集 卷四
心曲永歎不成章

赴都答蔡大美及同里諸游好

羲和凜莫節白雪積皛皛雞鳴啟重關嚴駕一何早祖
帳供東門送我長安道長安萬里餘雙闕浮雲表越鳥
棲朔風羽翮豈長好盈觴日在御孰緩憂心擣

二

雙鶴來雲間嘹唳我東廂翱翔得所欲豈曰謀稻梁清
歌展善謔嫵婉紛難忘誰能舍茲去雨霰零衣裳今夕
曲水湄明發大河陽

三

巾車佇修坂眷我同懷人同懷二三子齊轡揚芳塵蹇

華俯六葉躡軌追典墳瞻前恐不逮努力良已勤園廬
復相望榮木無冬春多君歲寒意勗我以先民列爵非
所志柔翰垂清芬

四

白雲出深谷搖搖離舊山僕夫競前路客子心纏綿雖
糜東方粟猶赧祖生鞭雅執馮公戟未草子雲玄功德
有消隕何況揚空言所念平生交幽棲圭筆間鼻犢足
常溫安用狐白鮮各勉金石歡珍爾桂樹篇

迷樓舊址

今爲寺閣閣前有沼
相傳卽摘星樓處

蜀岡何迢遞宮觀還縹緲一人娛耳目百禩傷懷抱複
閣改招提摘星牘寒沼土花蝕寶曆玉樹翳荒篠重城

愚山先生詩集 卷四
三
蹠血餘萬戶吹簫少當時聳金屋飛薨礙高鳥妍卉無
冬春酣歌昧昏曉山川無故物往者迹已埽迷離螢火
飛蕭瑟垂楊道

稷下吟

總轡踰營丘振綏度緇川請爲稷下吟清商激繁絃海
岱夾都會冠帶紛蟬聯華轂隘廣陌修岡亘星躔錫茅
肇鷹揚分流暨諸田英辟旣襲跡令佐乃駢肩技擊奮
仗劍文辯競揆天士女鬪雞狗魚鹽充市廛長筵海錯
列珠履何翩翩一朝委逝波蕭條無人烟古墓巢黃狐
崇墉號飢鳶延頸呼鮑叔拍手招魯連寒雲睇絕島落
日悲牛山升沈皆滅景但見空名傳萬古更銷歇方來

徒泣然

悼亡

爲七室梅宜人

汎汎驚征路行行辭故廬稚子集高堂賓御臨長衢回
首還入戶顧望立踟躕昔別烹伏雌今也歸黃墟笄珞
竟何益荼藿良已劬迅商揚幕帷積雪曜庭隅庭樹有
巢鳥誰言非爾雛微芳易飄忽傷哉隨化徂

化徂亦何怨同衾不相訣煩疴淹節候愁思中腸結簪
珥迎後人縞綦猶皎潔兒女在重泉母子久離別逝者
會有聚生者從此絕連宵入我夢語笑忽哽咽顏色逾
平生愴悅益悽切逝將勗無生沈憂一朝輟

赴京道中作

四野浩茫茫千里無異壤
心與逝景下目送歸雲往
霖雨不終朝潢汚已泱泱
軌迹亂縱橫城館何板蕩
嗷嗷歸雁吟遲遲春草長
青陽無惠風長宵皆厲響
砂礫一飛揚白日失清朗
征夫易感觸悵望絕心賞
嗟爾當塗子游宦忘鞅掌

二

陽景敷柔條道傍列枯樹
充君攀折多朝榮變頽莫
客行指薊北野曠暗層霧
巖裝戒鳴鏑晚食臨中路
登頓窮川梁衣弁改緇素
日昃未停軌駑馬鳴相顧
帝鄉伊可懷丘園良可慕
苟乏神龍姿詎當猛虎步

北海作

結軫之皇州滯淫北海甸城郭何蕭條陽春多雨霰修
阻棘如蝟日月成奔電河流潤原隰草色吐微禱渺渺
佳人期搖搖徒侶倦星辰異分野山川畫鄉縣征夫懷
故鄉終古誰能變

皇天篇

憫飢民也都城外數百里積霖成壑民匍匐轉
徙時逃人法重州邑閉關不敢納死者相枕哀
聲動天故爲之籲天云爾

皇天眷萬物雨師寧不然神州輦轂地高阜成山川蕭
條何所有飢獸羸頽垣嚴冬邊雪至朔吹先苦寒分與

長山先生詩集卷四
藜藿絕敝緼復不完遺黎伏路側聲出不能言矯首望
樂土重關限我前一步地艱於太行山逝者葬魚
腹生爲豺狼餐嗷嗷澤中雁飛飛雲漢間飲啄雖失所
天地何其寬感物一撫膺淚下如奔湍

次平原

客行所行道日夕次平原愁鴟鳴雉堞頽颺蕩櫺軒振
衣三歎息望古淚潺浚賢君昔食采英聲翔九天定從
存邯鄲長跼謝魯連偶看蹙者笑彼婦亦何愆殺之亦
已甚矯情稱其賢蕭條黃沙起慘悴遊子顏斯人不重
見恍慨誰與言

途中望西山

黃沙滿襟袖客懷無一展時夢江南遊青山情不淺今
晨覺爽氣悠然見絕巘矗矗既峻嶒邈邈何曠緬塞垣
千里接白雲共舒卷霽色落長安空翠無近遠賞心誰
與諧靈境終當踐雖無薜蘿衣一洗風塵眼

與指靈於然首如睡燕燕露六一式風聖那

千里對白雲共洽亦禪空若安空翠無我憂實必

是貴來原秋然良絲柳燕燕自刻創應後何鄭麻塞

施愚山先生學餘詩集卷之四終南致青山韻不

施愚山先生學餘詩集卷之五

五言古

馬首見西山乘興陶嘉月振策峰已紆捫蘿巘逾絕蘭
榭耀玉岑菌閣陵天闕琪樹寒始花紅藥藥初結披拂
散心顏榮落皆逾悅莫鳥歸巖扉陰雲如積雪松林息
萬籟清響中夜發樵隱易爲歡市朝性所拙眷言采芝
人毋使春芳歇

送吳六益之大梁

碩士甘抱璞獨撫丘中琴一爲西北遊京洛皆知音燕
歌動天地蒸臺日登臨揮手渡滹沱秋霖久滯淫晨風

振高翼寒蟬響悲吟梁園盛賓客池館成古今宿莽莫
蕭蕭但見層雲陰倘遺雪夜作子臥西山岑

送龔芝麓先生使嶺南

時以左都御史
謫中林丞奉使

徂暑驚朔吹陰雲蔽平原執義感綢繆相送不能言鸞
鳳一垂翅孤飛多險艱三江涉波濤五嶺阻巔岼依依
去國戀纏緜悽肺肝羅浮海東曲銅柱天南端方物志
草木濡翰資清歡母耽汗漫遊駟車愁歲寒

贈楊猶龍侍讀

晨星何皎皎參差不成行人生眷明德纏緜結中腸觴
至各詠言豁達陳悲涼甯歌嗟飯牛屈騷怨沈湘之子
策高足結綬登巖廊歡娛日東出戚戚何內傷坐有江

南客含意同慨忼擊節再撫膺淚下已浪浪抱絃未忍
絕知已安可忘

集張譙明給諫宅同許菊溪趙錦帆張友鴻顧介
石沈繹堂吳六益

鳳凰出丹穴乃棲桐樹枝聯轡滿京洛嘉會良在斯惠
風東南來珍木鬱歲蕤列坐進玄醴薄言敘相思同心
發高唱孰云知音稀古人勗令德努力及良時如何展
嫵婉行行當別離義和無停軌楊子悲路岐今日樂復
樂歲寒心不移

訓蒲陽余吏部賡之先生四章

公嘗宰宣城目予國士故敘舊德爲多

珊瑚出大海璠璣列清廟珍重及良時日月相照曜歲
晏歸三山黃髮事畊釣青青楓樹林狺狺多虎豹浮雲
去無極側身獨長嘯

二

長嘯何所思乃在天南端荒榛夾路衢峻坂鬱嶮岵有
鳥西北飛尺書來江干發緘再三歎飢腸不能餐商歌
響金石五月天風寒良無青玉案何以報琅玕

三

琅玕結爲珮懷袖光葳蕤褰裳北樓上永懷謝玄暉芳
風發蘭蕙山水流音徽纏綿國士恩知音獨心悲竹實
不可得鳳凰常苦飢三復蘆中吟

公集名
蘆中吟

慷慨淚沾衣

衣沾不能言飄風各南北別來逾一紀夢想見顏色故人振高軌黽勉崇令德叢桂可淹留高車多反側被繡為犧牲曳尾安可得好愛千金軀毋為岐路惑

送沈繹堂

時由史館出為大梁副使

回飈振高樹城闕發微涼故人持節去行行之大梁伊洛方橫流四野何湯湯徘徊三太息豈辭征路長東髮結華綬梧桐生高岡煌煌丹鳳姿寧從鴻鵠翔逍遙聊
一 二 然風衣不覺悲亦飄寓高城聽報北林拳拳

夙昔頻宴會好音動京國握手衆人中抗言各努力落

日下燕臺行雲去不息一觴未及斟忼慨淚沾臆雙雀
鳴前林烈風分羽翼振衣躡嵩高延頸睇北極拳拳復
何言但有加餐食

蘇華王穀子孝廉下第歸漳州

時閩方用兵

仲夏集嘉客清醕各盈觴握手發嘯歌登樓望八荒誰
云苦炎節朔風涼衣裳遊子逝懷歸南顧天一方天南
阻且遐鯨鯢亂縱橫城郭多戰壘蕭條悲故鄉念子骨
肉親勿辭征路長大海有明珠皎皎日月光被褐良慊
慨踟躕心內傷

送同年王均五之進賢

時奉特旨授大縣者皆召見

見

山左多大俠忼慨乃性成懿我同門友蚤歲揚英聲壯

心恥曲謹大義急友生再仕仍百里抗手看公卿天子
賜顏色召見趨彤庭巍冠束大帶眉宇千人驚揚帆蠡
澤過倒景匡廬明努力宰南國飲水有餘清人生苟踣
踏萬鍾亦虛名長安策羸馬何似掌專城

六月十八日爲先祖母生辰追悼成篇

商飈忽已至炎序猶未畢層城暗朝霧白日何蕭瑟披
衣及明發追往心憮怛王母生此辰百感難具述嗟予
實薄祐慈親襁褓失貧家缺媪乳坎壈成幼疾熒熒遭
百罹逝將棄此物祖母出延陵天植性藹吉提攜必在
臂坐抱不離膝含飴未敢哺鞠育翻戰慄簪珥盡湯藥
中夜起唧唧三物禱神明聲吞不得出願移桑榆年續

我蒲柳質吾父曾閱徒定省必周悉乞母勿太苦丁寧
氣嗚咽七歲學畫荻八歲弄紙筆長跪受孝經探懷給
棗栗十歲稱藐孤骨瘦見突兀大母兼怙恃纖細盡曲
折雞鳴出汲回晨炊頭不櫛實恥乞鄰燈宵織照寒月
種豆落爲箕種瓜華不實蟲生黃蘗枝食蘗甘如蜜十
八病且婚生計日轉拙寒帷膏火明素壁圖書列坐客
飽盤殮中廚忍飢渴匱勉逾數載生兒夸汗血扶杖哺
曾孫兩世心力竭乙酉亂無象躑躅棄家室烽燧明川
原戰骨壘丘垤負母赴深山喘息氣倉卒是時風雨來
泥滑屢顛蹶前有蝮蛇岡後有猛虎穴母孫但相抱日
落山峯嶺嬌兒忽已殤衰白肝腸裂隴坂寒楓林清霜

雜雨雪古藤花白隕蒼耳子偏結亂後返敝廬燐火耀
蓬葦門前新戰場葵藿久蕪沒山谷紛伏莽城郭響威
栗錦帙代薪炊青箱貯芻秣儒冠供廝養不爾則鞭撻
苟活昧生理射策上京闕奔迫登王程蓬轉不得歇結
綬走幽燕驅車歷楚粵聞闔高九天陳情空拂鬱白髮

已黃泉遊子尚役役

祖母屬纊時
章奉使粵西

逾年就苦塊罪重痛

難割猶憶歲在寅休沐值今日母衰久喪明孫病亦脆
脆強起奉母觴舉酒含淚啜哽咽相慰勞豈謂卽承訣
負土悲佳城荒墳寄帶噪卜吉信茫茫隱忍守故轍碣
石望江東墟壠邈天末欲薦一卮酒遊魂悲遠別音容
日在眼夢寐久恍惚骨肉性纏緜歲久漸寥闊孝養誓

平生既往難補缺冉冉予亦衰星星垂短髮浮雲萬里
徂中路何當輟側頸望蒼蒼舉聲腸斷絕

滄州值同年何省齋南歸時予赴官山左聯舟信

宿詩以錄別

予將東征時是子南歸日握手何泫然惆悵事非君
昔官石渠英年奮健筆至尊為開顏嗟咨問家室侍
從豈不榮退朝惟抱膝予性苦齟齬與君則膠漆知子
戀丘園未謂即相失鸞鵠羽差池徘徊眷儔匹送子不
能寐伏枕長唧唧

卷二

君家舊丞相闕閱冠南都三十為侍中出入承明廬兄

弟大小山不數專城居三親尚強飯三子皆璠璣康莊
展驥足萬里無崎嶇胡爲歟寂寞中懷鬱不舒滑稽鄙
曼倩晚退嘲二疏古人未足尚今人復何如

三

昨日辭城闕今日來津門同心二三子出餞開芳尊延

州義更切老去交情敦灑落一千言長歌聲欲吞

吳梅村學

士有送行百韻嗟予氣鬱結執手惟銷魂東西旣岐路川路方

駿奔龍劍忽已合水宿同朝昏予懷爾偃息爾勗我騰

騫陶陶過夜半纏綿難具論何以定久要叢桂有芳根

詠竹熏籠

慚非博山爐猶隱湘妃淚提攜藉纖手得入合歡被藝

炭鏤鴛鴦薰芳薦蘭蕙常恐炎節至棄捐獨憔悴

闕里詩

朝登泰岱巔手探金泥策莫宿曲阜阿側身洙泗席中
庭維杏壇檜栢參天碧禮器陳鼎彝圖書燦琮璧雖非
顏閔徒勉旃思踐迹斯文今未衰靈爽倘不隔肅雍視
几筵四壁響金石再誦高山詩詠言矢無斃

濯纓橋

官舍有橫渠與湖水通舊置木檻經歲輒朽予

爲易石梁命曰濯纓

官閣倚湖渚橫渠漾漣漪還如故園水清淺通荆扉伐
石代浮檻濯纓欣在茲春草紛沃若秋荷餘芳菲空水

相照曜秀色忘朝饑誰知濟川客回首垂竿時柱下迹
已混魯連心獨悲感彼滄海趣永與漁父期

射書臺

在聊城

城東有荒阜霜雪白皚皚寒鴟鳴落日狡兔穴蒿萊爲
問此何地云是射書臺仲連滄海士傲儻天下才浮雲
視圭組潔志謝塵埃飛鏃逞雄辯堅城爲之摧壯夫絕
吭歿萬姓一何哀流血溢城闔積骨高崔嵬賢愚同白
刃千古傷人懷

登歷城縣學高樓

海內昔全盛歷下多鉅公華泉高唱發滄溟著作雄殷
許相羽翼倡和成宗工蕭條近百載零落如飛蓬圖史

付兵革茂草淪鼓鐘攘攘遊俠兒白眼羞章逢有美玉
三子拮据守雕蟲裋褐揖長吏青氈無宿春儒冠不復
辨斯文竟鴻濛補苴備俎豆締構及學宮憑高騁子目
疊巘何龍嵒霜嚴凋古栢飈急響枯桐惟餘華不注萬
古青芙蓉尼山亦孔邇孰使吾道東勞歌聊見志寄言
雲中鴻

宿蓬萊海潮庵

精舍俯丹崖複閣眺窮髮眷茲物外遊寧辭雲際歇日
暝紅霞散洞陰瑤草發緩帶馭天風臨流坐海月洪濤
爭怒號島嶼時出沒成連移吾情安期逝超忽天雞鳴
中宵白露如凝雪

陳尚書祠

陳靖獻公廸宣城人狗建文難族且盡一乳媪
芮氏竊公襁褓兒逸諸竇中旣八歲媪且歎泣
曰子陳氏兒也我不言誰知者事遂聞時文皇
怒稍解詔戍登州四世而侍御公鼎以直顯尚
書公其學繼之爲登右族予校士蓬萊因謁公
祠爲文以祭之兼賦是詩

嗚呼維靖獻九死斷人腸宗祊餘白骨墟墓發幽房
猗與公始生實維我陵陽天命垂一髮瓜瓞滄海旁
柱史旣鵲起尚書彌鷹揚孤鳳將九雛厥聲何煌煌
始知萇弘血萬古騰光芒明禋並嶽瀆正氣升扶桑
靈旗邈彷徨

拂披髮遊大荒嗟予復何為零淚沾衣裳

躡突泉

勞生慚物役越郭就臨眺澄澄涌寒泉淵淵發地竅天
吳翠旂翻白龍長尾掉荇藻冬青葱雪月宵照耀泆流
王屋來澄觀一清嘯逝者悵如斯素心愜從好停策漱
潺湲盪胸歸要妙

金線泉 今為鐘氏園林

齊州罕亭榭涉園遂忘疲古木高十尋列蔭何參差危
梁覆深藻白石粲芳池閨寂謝繁響條貫吐漣漪臨流
將夕景水裔孤雲歸餘津被苔蘚寒卉揚葳蕤長嘯懷
古人洋洋可樂飢

芙蓉泉

好鳥鳴蘭薄春風柔且嘉振轡肆逍遙潛波湛清華詎
矜巖洞遊寧要羽客家虛白茅宇靜峻嶒石檻斜連珠
出水面散作芙蓉花盪波生微風照日成流霞衆人忘
獨醒吾生苦無涯蓬萊近清淺安得乘仙槎

古意送馮殿公使粵西

驚飈正凜烈臨岐班馬鳴雨雪滿山谷隴坂無人行行
行去不息周道多荆棘南登衡岳巔回首望北極山川
日已遠耳目日已換青林啼鷓鴣遊子腸堪斷入亦復
踟躕出亦復踟躕安得諧雙龍與子萬里俱

送梁慎可少叅入賀

明湖開積雪和風扇寒條嘉客延清歡新陽啓遊遨願
言展嫵婉芳醴陳中宵握手景未昃離心來鬱陶祇役
叩閭闔倌人戒星軺長安車馬馳玉佩相招邀猗與高
陽族元凱實聯鑣爲樂誠未央焉知我心勞君子惜令
名小人徒嗷嗷何以解飢渴平生有久要

讀邢孟貞遺詩

邢家石曰湖
時稱邢石曰

石湖有詩癖厭作時人語褊性寡推服名高亦齟齬吾
儕二三子同病各相許歿後收遺文生死情倍苦深宵
風雨時讀罷亂心緒畢世絕歡娛高寒出肺腑悲歌良
獨難微尚亮誰取墓木忽將拱田園成宿莽寓書存藐
孤祿薄媿無補三復聲嗚咽平生淚如雨

張氏葯園

鄒平

別墅傍城郭，髣髴陵山椒。石路淨積蘚，池檻映崇條。商
飈凜初發，春華藹未凋。連蜷糾絲蔓，綽約舒紅蕉。檐前
長白山，白雲長悠悠。高館納朝爽，素琴響秋宵。中林自
開逕，當門自生蒿。遙楫赤松子，物外可招要。

懷顧見山工部

時司權
夏鎮

仲冬風雪交，層冰堅巨壑。浮雲邈無歸，逍遙放寥廓。憶
我同袍子，聲名滿京洛。竝轡偕翱翔，酣歌事如昨。神龍
歸大澤，河上獨棲託。澹蕩濯纓心，蒼涼懷古作。側聞寒
雁吟，嗟我東廂鶴。物情眷同聲，悲鳴苦離索。借問蟬冤
客，何似滄洲樂。

送丘海石之任高要

丘子北海彥今爲南海行
道路緬修阻羽檄紛縱橫
再拜向我言引疾且歸耕
丈夫貴許國努力垂令名
子實飽經術慎毋負平生
端州憶舊遊郭外江水清
琢研鑿江石抱琴鳴江城
安危在良牧逝將偃甲兵
相思日云遠惆悵天隅情

元夕行

平生束髮初遊戲長河干
漁燈爛蓬華春韭成盤餐
鼓擊促飛觴踏歌忘夜闌
燭龍動鱗甲火樹紛琅玕
少年蹴鞠舞兒女傾城看
喧闐相蹂踐墮釵遺履還
閭巷事瑣細爲歡亦多端
此樂如昨日盛氣俄摧殘
兵荒厘市

改遊子行路難三年客燕市兩年棲歷山其危如集木
豈曰耽微官爛熳銀花好臨觴勿長歎所思邈天末歲
月急奔湍賓御各懷歸四座寂不歡乃知絲竹音不解
憂人顏

濟南望叔父不至書懷

一歲再寄書家人遲不至攝衣臨高臺引領無遷次計
我濫齊筭守官恐失墜遣使還故里但有平安字前年
叔父來骨肉偶然遂荒途半蒿萊虎穴兼賊騎子月天
正寒風雪斷征轡敝裘剝剝餘入門冰在袂仲氏方弱
齡跋涉性所畏追從過濟水黽勉好兄弟一二故人居
顏色同憔悴炙火手尚僵委頓霑微醉時予將出門王

事無留滯語婦謹晨昏脩隨親中饋新開玉露釀細作
銀絲膾老眼顧盤餐含淚轉歔歔謂爾父墟墓椎牛今
尚未同氣念凋殘衰白忽如贅嗟予章不敏褊心閻吏
事切切述祖德多憂或怒詈衙齋閒有餘中宵長不寐
臨別仍敝簾跪送以雙淚叔父喜我貧故人多責備貧
交安可忘世路棘如蝟淚多井泉竭途遠車輪敝自非
食蓼蟲焉知辛苦揮手再三別中心有餘媿遊子懷
故鄉隔歲復期會臘月水腹堅輕舫絕淮泗凍解過兵
船其勢如鷹鷲弓箭各在腰行人共驚悸昨聞江南雪
酷寒殺松桂敝廬半欹側補葺賴薜荔馬瘖僕且痛驅
車良不易將毋慎遠遊恐爲貧官累海隅有小鳥其名

曰精衛欲銜西山石堙海爲平地所志則已遠那復作
生計四顧儔侶稀哀鳴振雙翅側見黃河流鯉魚長尺
三附書亦徒然歲月傷迢遞思欲隨晨風翱翔九天際
尋歷下亭舊址
荒亭更百戰往迹皆逝波古人不可見來者自爲歌塵
纓聊盥濯杖策重經過一城半湖渚清風生芰荷藉草
酌我酒數杯顏已酡人生日苦短流水一何多

寄顧與治

客從石城來是君平生友再拜未及言借問見君不荅
言君愁疾皓皓成白首有客歎荆扉盤中止春韭筆札
資餼糧田園皆在手日夕浮雲陰北風響寒牖買姬亦

不御甘作窮獨叟人生各有涯所貴惟不朽著書好自
編平生復何有請爲解鬱紆金陵多美酒

寄孫八羽辰

弱齡多壯懷被褐成歲晏門巷長蓬蒿溪堂滿鉛槧手
自錄全史孤吟耻雕絢陟山餐高霞汲泉飲寒礪羈宦
懷故交春草滋芳甸思欲附晨風道遠隔鄉縣我寄一
端綺其質如白練明月出東嶺素衷倘可見

酬李叔則

李罷官流寓廣陵

佳人眇何許遠在大江湄孤鳳雖斂翼顧影生光儀遺
我尺一書勗我師仲尼感子故人意俛仰寸心違吾道
日陵替官守狗文辭黽勉望鄒魚側足不敢移思爲梁

父吟惆悵知音稀

家書再至

客夢迷故鄉故鄉書札至問汝出門時是月十有四前
書一何滯此書一何疾得函不敢開垂頭先惴慄書中
復何有但爲賤子憂坦步恐覆轍問我平安否駕言將
出郭荆棘生道周置書再三歎所憂非所謀

送孫忤庭都諫還都下

昔臥白雲署見君青瑣闈耿介一言合意氣縱橫飛日
月何推遷歡讌不敢追室邇成契濶京圻還別離久雨
潦周道殘暑颺炎暉握手難盡言惆悵中心違海內得
知己一人不爲稀天路高且長會合當何期

贈徐搖上進士謁選

徐子久釋褐高臥耽舊書門庭常闕寂州縣耻趨趨持
此忼慨節不爲章句儒利劔方出匣四顧無躊躇把酒
送子去策足陵天衢浮雲可俯視白璧不可渝

送吳自明歸里

羈宦戀親交相倚忘饑渴依依遂彌歲千念集莫節江
南烽火後川路多流血艱難消息稀中腸屢斷絕子爲
我遲歸倚閭有白髮綈袍不禦寒努力慎風雪

望仙臺

新泰縣

崔嵬新甫山蜿蜒百餘里連峰障日寒翠柏參天起
宵巖洞深津津流石髓遙見羽衣人青霞隨玉趾借問

此爲誰云是洪厓子漢武非仙才登望亦徒爾覲面不
相識延頸睇海水千載鬱蕭條荒臺蔓葛壘

施愚山先生學餘詩集卷之五終登望岳詩爾贖而下